

որոշեցին ճակատամարտի ելքը՝ ծանր կորուստներ պատճառելով հայ-վրացական բանակին<sup>41</sup>:

Սկզբնաղբյուրները ճակատամարտը միաբերան թվագրելով 1225-ով, փոքր-ինչ տարբեր են նշում ամիսը: Իբն ալ-Ասիրը ճակատամարտը դնում է հիջրայի 622 թ. շաբան ամսին<sup>42</sup> (1225 թ. օգոստոսի 8—սեպտեմբերի 5), սակայն ան-Նասավին այն ավելի վաղ ժամանակով է թվագրում: Ըստ նրա, Ջալալ աղ-Դինը Դվինից Թավրիզ է մեկնել հիջրայի 622 թ. ուաջար ամսին<sup>43</sup> (1225 թ. հուլիսի 9—օգոստոսի 7), հետևաբար մինչև այդ իրադարձությունը տեղի ունեցած Գառնիի ճակատամարտը, համաձայն խորեզմշահի կենսագրի հաղորդումների, ընկնում է հուլիսին կամ օգոստոսի սկզբին: Այս ժամանակագրական տվյալները գայթակղեցուցիչ եզրակացություն են հուշում՝ ճակատամարտը թվագրել ուաջարի և շաբանի սահմանագծային օրերով՝ օգոստոսի 7—8-ով, սակայն Իբն ալ-Ասիրի հստակ ցուցումները հարկադրում են մերժել նման վարկածը: Պատմիչի տեղեկությունների համաձայն, Ջալալ աղ-Դինը Մարաղան գրավել է 1225 թ. հուլիսին, հիջրայի 622 թ. ուաջար ամսի 17-ին (1225 թ. հուլիսի 25)՝ տիրել Թավրիզին<sup>44</sup> և այնուհետև արշավել Հայաստան ու Վրաստան: Այս հյուսկեն ժամանակագրությունը հաստատվում է Իկոնիայի սուլթան Ալա-աղ-Դին Քեյ-Կուբադին Ջալալ աղ-Դինի հղած ուղերձի տվյալներով, որի բնագիրը պահպանվել է Իբն Բիբիի աշխատությունում: Այն գրվել է հիջրայի 622 թ. Ջումադ Բ ամսի վերջին<sup>45</sup> (1225 թ. հուլիսի սկիզբ), որից հետո միայն պետք է տեղի ունենային հետագա իրադարձությունները: Եթե 1225 թ. հուլիսի սկզբին Ջալալ աղ-Դինը ղեռնա Մարաղայում էր, ապա միանգամայն աներևակաչելի է, որ նա հասցներ, հենց ըստ ան-Նասավիի տեղեկությունների, Մարաղայից մեկնել Ուջան, այնուհետև 7-օրյա պաշարումից հետո գրավեր Թավրիզը և մինչև հուլիսի 9-ը ներխուժել Հայաստան ու բանակել Գառնիի մոտ<sup>46</sup>: Թվում է, որ, այնուամենայնիվ, ան-Նասավիի տեղեկությունները նկատառելի են այն՝ իմաստով, որ հուշում են ճակատամարտը թվագրել ոչ թե Իբն ալ-Ասիրի վկայած շաբան ամսվա վերջով, այսինքն՝ սեպտեմբերի առաջին օրերով, այլ օգոստոսով, ավելի հավանական է վերջին օրերով:

Այսպիսով, սկզբնաղբյուրների վերստին քննությունը հնարավորություն է բնօրինակում ճշգրտել Գառնիի ճակատամարտի ժամանակը<sup>47</sup>, մոտավոր ճշտու-

41 ան-Նասավին ղոհվածների թիվը համարում է 4 հազար (ан-Насави, с. 158), իսկ Իբն ալ-Ասիրը այդ թիվը հասցնում է 20 հազարի (Ибн ал-Асир, с. 157):

42 Ибн ал-Асир, с. 156.

43 ан-Насави, с. 159.

44 Ибн ал-Асир, с. 155.

45 ан-Насави, с. 359, прим. 2.

46 Նույն տեղում, էջ 154—157: Ձ. Բունիաթովը Թավրիզի գրավման մասին հաղորդումը (հիջրայի 622 թ.) կոնկրետացրել է՝ փակագծերում ավելացնելով «ուաջարի 17» (նույն տեղում, էջ 156): Բնագրի մեջ, ըստ Իբն ալ-Ասիրի տեղեկությունների, նման հավելում մտցնելը սխալ է ավելորդ է, քանի որ երկու պատմիչների հաղորդումները ժամանակագրական առումով զգալիորեն տարբերվում են և դրանով արհեստական հակասություն է ստեղծվում ան-Նասավիի աշխատությունում:

47 Լ. Բարսյանը, վկայակոչելով Կիրակոս Գանձակեցու և Իբն ալ-Ասիրի տեղեկությունները, Գառնիի ճակատամարտը դնում է 1225 թ. սեպտեմբերի կեսերին (Լ. Բարսյան, նշվ-